
Бошланиши ёмон эмас

Футбол бўйича вилоят чемпионатида ҳам старт берилди. Туманимиз шарафини "Ёзёвон лочинлари" ҳимоя қилмоқда. Футболчиларимиз дастлабки турнир сафарда ФарДУ жамоасига қарши утказиб, 4-4 ҳисобидаги дуранг натижа қайд этган эдилар.

Футбол мавсумининг очилиш маросимига Ёзёвон футбол тараққиётига муносиб ҳисса қўшган фахрий ўйинчиларни ҳам тақдир қилишди. Футболчиларимизнинг 2-турдаги рақиблари Бешариқнинг "Раққончи" жамоаси бўлди. Ўйиндан олдин ўйингоҳимизда жорий йилдаги 2-лига жамоалари ўртасидаги футбол мавсумининг очилиш маросими ўтказилди. Очилиш маросимида туманимиз ҳокими Д. Джалитов Ёзёвон футбол тараққиёти ҳақида ўз фикр-мулоҳазаларини баён этиб, футбол мавсумини очиб, деб эълон қилди. Республика миқёсида Бекободда ўтказилган 2009 йилда тузилган ёш футболчилар турнирида Ёзёвон футбол мактаби тарбияланувчилари фахри 1-ўринни эгаллашди. Туман сектор раҳбарлари ғолибларга кубок ва медалларни топширдилар. Ўйин бошланди. 1-бўлим асосан тенг курашлар остида ўтди. Гоҳ у жамоа, гоҳ бу жамоа ҳавфли вазиятлар ҳосил қилишди, лекин зарбаларда аниқлик етишмади. 25-дақиқага келиб, Шаҳбоз Абдураҳмонов рақиб дарвозабонини доғда қолдириб, ҳисобни очди. 1-бўлимда бошқа гол киритилмади. Футболчиларимиз 1-0 ҳисобидаги ғалаба билан танаффусга чиқдилар. 2- бўлим янада шиддатли тус олди. Меҳмонлар ҳисобни тенглаштириш учун ҳаракат қилишган бўлса, майдон эгалари эса ғалабани мустаҳкамлаш учун жон куйдирдилар. Бу ўз натижасини берди. 2- тўпни меҳмонлар дарвозасига иқтидорли ўйинчимиз Зоҳид Исмоилов аниқ йўллади. 65-дақиқага келиб, ҳисоб йирик кўриниш олди. 3-гол муаллифи яна бир иқтидор эгаси Мақсадбек Ибрагимов ҳисобига ёзилди. Орадан ҳеч қанча вақт ўтмай 4-тўп меҳмонлар жамоаси туридан жой олди. Тўпни дарвозага Шаҳбоз Абдураҳмонов киритиб, дублга эришди. Бу ыали ҳаммаси эмас эди. Ўйин шиддати янада ошиб борарди. Ҳужумларнинг бирида Жўрабек Жўраев ҳам дарвозани забт этиб, ҳисобни 5-0 кўринишига келтирган бўлса, 6-тўп муаллифи ҳам унинг ўзи бўлди. Ўйин якунига яқинлашган паллада Зоҳид Исмоилов ҳам дубль қайд этиб, ўйиннинг 7-0 ҳисобида якунланишини таъминлади. Шундай қилиб, футболчиларимиз 7-0 ҳисоби билан ғалабага эришдилар.

Кейинги учрашувларда ҳам ўйинчиларимизга омад ёр бўлишини тилаб қоламиз.

Муҳаммадjon Мадисаев.

Ёзёвон тумани ҳокимлиги ахборот хизмати.

2022-07-08 11:18:23